

2 Yon

Yon belej sopte asañ ga kayyinj

¹ Be, Yesuyen alya bereyat doyanj al parguwak ne gare ge bere salannjenja diringe wenya Al Kurunj belej basinja dirtinj goke asañ gago kañ hime. Nebe denya Al Kurunyen mere fudinde gama irde hityen geb, goke denj ge amañenj nurde hime. Goyenbe ne po moñ. Al Kurunyen mere fudinde goyen nurde hañ mar gore wor tumñan denj ge amañenj nurd dunenj hañ. ² Gobe denya njenja tumñan Al Kurunyen mere fudinde goyen nurde hite irde huginjenj nurde hitek geb, gogo denj ge amañenj nurde dunenj hite.

³ Njenja denya tumñan mereminj fudinde goyen po gama irde kadnininj yago ninj amañenj nurd yunenj hityen. Ninjeb Adonininj Al Kurunya Urminj Yesu Kristuya belej buninjenj dirde iginj dirde binininj yisikamke iginj hitewonj yenj gusunanj yirde hime.

Mere fudinde po gama irde hitek

⁴ Be, diringe yago kura Al Kurunj belej gwaha gwaha tenj hinayinj dintinj gwahade po mataya mereya fudinde goyen po gama irde kuñ hanjenj gote mere momonj nurdeb amañenj wor po nurde himyen. ⁵ Ninjeb, bere salannjenj, nenjbe kadnininj ge amañenj nurd yunenj hitek. Ne belej mere gahade kañ hime gabe saba gergenj ninj ma kañ hime. Saba gabe nenj belej hanjkapya Yesu gama irtirinje mat nurde gayenter wor nurde

hite goyen goke po ginenj hime. ⁶ Irde Al Kurunj nin fudinde wor po amanej nurd unej hitek belnebe yende saba gama irde mata tenj hitek gogo. Sabaminj hanjapya nuraminj gobe kadtin yago nin amanej nurde yunen hinayinj yitin go goyen.

⁷ Be, usi mar budam megen gar forok yenj tukun hanj. Go mar goreb, “Yesu Kristube megen gar forok yirinj gega, al henj ma forok yirinj,” yenj hanjen. Saba gwahade tagalde hanj mar gobe usi mar, irde Yesu Kristuyen asogom. ⁸ Ninjeb mel gore usi dirnak geb, kenkela henj hinanj ko. Gogab Al Kurunj nin metenj tenj hanjen gote murungembe soj ma henayinj. Yenj belenj metentinj gote murungem iginj wor po dunyenj. ⁹ Al kura Yesu Kristuyen saba go hende yingende dufay bulun mananj goya irde al saba yirde hinayinj marbe Al Kurunya awalikde ma po hinayinj. Munanj al kura sabaminj fudinde goyen gama irde kunj hinayinj marbe Al Kurunya Urminja irde tumnanj awalikde hinayinj. ¹⁰ Ninjeb al kura Yesuyen saba monj saba hoyanj tenj yatinde wanj saba direnj tikeb al goyen yatinde ma yukunayinj. Irde gargar ma po yirnayinj. ¹¹ Munanj kuratinj kura al gwahade goyen gargar iryenbe Al Kurunj belenj yenj wor al gote metenj bulun go faranj urde hi yenj kinyenj.

¹² Be, nebe mere budam momonj dirtek nurde hime gega, asande ma kayenj. Gwahade yarab nigenj wor wor kunj denenj gab mere dirmewonj yenj nurde hime. Gogab tumnanj amanj ninj pultik wor po yetek.

¹³ Be, babake Al Kurunj belenj werne yenj basinja

irtin gote dirneḡ wenḡ gore wor ge ninḡ nurde hanḡ
goyen momonḡ irayinḡ ninanḡ geb, gago momonḡ
girde hime. Gogo po.

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 11 Nov 2022 from source files dated 9 Oct 2020

dbba218f-41f3-5f08-b0b6-2a7c919093ab